

Cœli hic mira clementia: qua fit ut Nemora ipsa ex Citris, Medicis, atque id genus arboribus constent. Solum *Cali temperies.*
fertile, abundans Vitibus, Oleis, Pomis, omnisque generis arboribus fructiferis: Mellis etiam ingens hic copia *Soli fertilitas.*
colligitur. Segetes vero minus lætas habet propter austrinos ventos, quibus exsiccata arefcunt antequam ad
maturitatem perveniant. Hodie *Venetis* paret, a quibus strenue adversus Turcarum rabiem defensa est. Urbem
habet cognominem. Incolæ Græci sunt.

Zacynthus, vulgo *Zante*. Hanc inter Cephalleniam & Achaiam ponit Plin. Ipsa in circuitu colligit xxxvi mill. *Zante.*
Ager Insule Frumentum profert magna copia: imprimis vero Uvas passas, Vinum & Oleum, ex quorum annuo *Situs.*
proventu, Incolæ colligunt cl. millia aureorum. *Græci* sunt & *Venetis* parent. Habet ejusdem nominis Opidum *Soli fertilitas.*
cum Arce in monte situm, mari imminens, Silvis obsitum, Aeris salubritate, pascuorum vicinorum ubertate,
agrique fertilitate valde commendabile. *Mons* ipse *Elatos* dictus, nobilis est.

Milo Insula, ea *Melos* prisco ævo dicebatur, in Cretico est mari. Ambitus lxxx milliaria complectitur. *Milo.*
Feracissimos habet agros Frumenti & Olei, sed Vitibus parum accommodos. In hac etiam Argenti Fodina & *Situs.*
Sardonius Lapis reperitur.

Naxos, nunc *Niscia* Sophiano, & alijs. Hæc lxxx mill. in ambitu patet. Inter frugiferas Insulas hæc etiam *Soli fertilitas.*
numeratur. Vini admodum fecunda est: in eaque Marmoris genus reperitur, quod *Ophites* Græcis & Plin. ma- *Nisca.*
culosum, Serpentum maculis non absimile. Smirillus etiam lapis, Smiris Plinio, hic reperitur. Venam quoque *Situs.*
Auri hic esse, sed desidia & ignavia Incolarum non inveniri, sunt qui credunt. Vespæ genus in ea, cuius punctio *Soli fertilitas.*
homini, mortem adferre dicitur: Vespertilionumque magna copia. *Joanni Quirino* Nobili Veneto, hæc quom-
dam paruit. Postea sub quodam Duce *Jacobo Crispo* fuit, quem *Solimus* Turcarum Imperator hinc expulit, Ha-
bitatur itaque hodie à Turcis & Iudæis.

Santorini vel *Santorino*, *Therosia*, Maris Ægæi Insula, juxta Atticam, Straboni & Ptol. formam, nunc Lunæ *Santorini.*
corniculatæ habet, licet prius aliam haberet, antequam combureretur, & a mari in duas partes scinderetur, in- *Situs.*
ter quas scopuli aliquot interjacent. Est etiamnum satis fertilis, & Portubus commoda. Incolæ piscationibus *Soli fertilitas.*
fere victum quærunt. Hæc etiam subjugata à Turcis est.

Scarpanto, olim *Carpathus*, aut ut Homero placet *Græpathus* dicta. Carpathium hinc Mare. Situs ejus inter Cre- *Scarpanto.*
tam & Rhodum, medio fere itinere. Ambitus ejus lx aut ut alij volunt lxx mill. pass. Ardua & montib. passim *Situs.*
aspera; ac in ea Marmoris Lapidicina reperitur. Olim quatuor urbibus prædita erat, & ob id *tetrapolis* nuncu- *Soli qualitas.*
pabatur, ut habet in Homerum Eustathius. Habet multos Portus, sed non admodum capaces, & male fidos. *Portus.*
Incolæ Græce loquuntur, & Græcorum religionem amplectuntur: Venetorum tamen Dominio subsunt.

Sed de Europa quæ dicta sunt hætenus, sufficiant. Reliquas igitur Orbis partes, & primum Africam, cui in
nostra distributione post Europam princeps tribuitur locus, quod felix faustumque sit, ingrediamur.